



Inatsisartunut ilaasortamut
Erik Jensen
Siumut

05-12-2025
Suliap normua 2025-10523

All. il.
26026154

Postboks 260
3900 Nuuk
Oqa. (+299) 34 50 00
Nass. (+299) 34 66 66
E-mail: miin@nanoq.gl
www.naalakkersuisut.gl

Ulloq unnuarlu paaqqinniffinnut tunngatillugu § 37 naapertorlugu apeqqummut nr. 199-2025-mut akissuteqaat

Asasara Erik Jensen.

Apeqqutinnut qujanaq. Apeqqutit ataasiakkaarlugit akissutinik malitseqartillugit ataani allanneqaqqippat. Isumaginninnermut Aqutsisoqarfimmi Ulloq Unnuarlu Inissitsiterinermullu Immikkoortortaqqarfimmit akissutitut ilanngussanik katersisoqarpoq

1. Ulloq unnuarlu angerlarsimaffinni paaqqutarineqartut toqqissisimasumik inooqataalernissaat qulakkeerniarlugu suliniutit suut tigussaasut ingerlanneqarpat?

Ulloq unnuarlu paaqqinniffinnut inissinneqarsimasut meeqqat inuusuttullu toqqissisimanissaat pilersinneqartarpoq paaqqinniffiit perorsaanikkut suleriaasiannik kommunillu inissiisut oqartussaanermik atuinerannik ataatsimoortitsinikkut, takukkit meeqqat inuusuttullu tapersersorneqarnissaat pillugu Inatsisartut inatsisaat, paaqqinniffiit akuersissuteqarnissaannut tunngavii kommunillu inatsisit malillugit suliarisartagaat iliuusissatut pilersaarutit.

Meeqqanut inuusuttunulluunniit ataasiakkaanut atatillugu pilersinneqarsimasut immikkut ittumik suliniutit kommunip iliuusissatut pilersaarutaat aamma immikkut ittumik suliaqarnissamut sumullu killinnermik nalilersuinerit malillugit paaqqinniffimmit aalajangersarneqartarput. Isumaginninnermut Aqutsisoqarfik suliniutinik ataasiakkaanik taakkuninnga pissarsisinnaanngilaq paasisisimasaqarsinnaananilu, paasisissatut taamaattut sulianut ataasiakkaanut atassuteqarmata oqartussaqqarfimmi inissiisumit tigummineqamata. Taamaattumik periarfissaanngilaq paaqqinniffinnut tamanut atuuttunik perorsaanikkut suliniutit aalajangersimasut nassuiaasorsorfigissallugit.

Ulloq Unnuarlu Inissitsiterinermullu Immikkoortortaqqarfiup paaqqinniffiit suliniutaat tapersersorpai aammalu misissueqqissaarinernik, perorsaanermut tunngatillugu siunersuinerinik aamma atuuttunik siunnersuutinik iluaqusiisarluni, taakkua paaqqinniffiit sulinerannik pitsaanerulersitsisut suliatigullu tapersersuinerinik, suliaasaqarfiit allat neqeroortiginngisaannik periarfissiillutik.



2. Ulloq unnuarlu angerlarsimaffinni paaqqutarineqartut unnukkut unnuakkullu anisinnaasarnerat imaluunniit qimaasarnerat iliuuseqarfiginiarlugu suliniuteqartoqarpa?

Pisuni meeraq inuusuttorluunniit paaqqinniffik unnukkut, unnuakkut imaluunniit arlaatigut qimaappata ulloq unnuarlu paaqqinniffiit qanoq iliuuseqarnissaat isumaginninnermik suliaasaqarfigimmi pissaanermik atuineq pillugu Inatsisartut inatsisaat malillugu malittarisassiorneqarsimapput. Paaqqinniffiit inatsimmi tunngaveqarlutik aatsaat iliuuseqarsinnaapput, tamannalu isumaqarpoq suliniutit annerpaartaat perorsaanikkut suliniutinik aamma aaqqissuussanik sinaakkutinik ilaqartut, taakkua meeqqat inuusuttullu paaqqinniffimmiit kajuminnermit pinngitsumik imaluunniit eqqarsaqaarani pinngitsumik qimaanissaannut pinaveersaartitsisussat aarlerinanginerulersitsisussallu.

Paaqqinniffiup nammineq oqartussaaffigisaanni naleqqutinngitsuni pissutsit iliuuseqarfigisarneri nukittorsarniarlugit sumiiffinni aalajangersimasuni ulloq unnuarlu paaqqinniffiit, politiit kommunillu akornanni suleqatigiinnerit malittarisassat malillugit aaqqissuunneqarsimasut pilersinneqarput. Nuummi tamanna ilaatigut isumaqarpoq, meeraq inuusuttorluunniit paaqqinniffimmiit kisermaallugu utertinneqarsinnaanngippat politiit ikiuussinnaanerit, tassanilu aamma inatsisatigut, ataqatigiissaartumik illersorneqarsinnaasumillu suliniuteqarnissap qulakkeerneqarnissaanik pisariaqartitsisoqarpat. Tamatuma saniatigut Isumaginninnermut Aqutsisoqarfup ilisimavaa pisuni pissaanermik atuineq pillugu inatsit timitalerlugu iliuuseqarnissamut periarfissiinngippat, kisiannili perorsaanikkut aaqqissuussaanaikkullu tapersersorneqarnissaq sulii pisariaqartinneqartillugu paaqqinniffiit aataasiakkaat kommunimi ulloq unnuarlu sillimasunik suleqateqartartut.

3. Ulloq unnuarlu angerlarsimaffinni paaqqutarineqartut inoqarfinni serlersaasarnerat annertoq pinngitsoortinniarlugu sunik suliniuteqartoqarpa?

Ulloq unnuarlu paaqqinniffinni meeqqat inuusuttullu akornanni pinerluttuliortarnermik pinaveersaartitsineq tamakkiisumik perorsaanikkut oqartussaanaikkullu suliniutinut ilaavoq, taakku inuusuttup aataasiakkaap pisariaqartitai aallaavigalugit pilersaarusiorteqartarput.

Inissiinermi Ulloq Unnuarlu Inissitsiterinermullu Immikkoortortaqarfiup, kommuni inissiisoq peqatigalugu nalilertarpaat paaqqinniffimmi inissisimasut, perorsaanikkut periaatsinut tunngaviit sulisullu amerlassusaat inuusuttup pisariaqartitaannik tapersersuisinnaanersut, ilaatigut pinerlunnernut tunngatillugu pissutsinut. Inissiisoqarsimagaangat pinerlunnernik pinaveersaartitsineq pingaartumik perorsaanikkut suliniutinik imaqartarpoq, taakkua kommunit iliuusissatut pilersaarutaat aamma paaqqinniffiup suliatigut nalilesuinerat naapertorlugit aataasiakkaarlugit pilersaarusiorteqartarput.

4. Ulloq unnuarlu angerlarsimaffinni paaqqutarineqartut politiit sulinerannut piffissamik annertuumik tiguisarnerat allanngortinniarlugu, ulloq unnuarlu angerlarsimaffinni sulisut pisinnaatitaaffiinik sukaterisinnaanerannillu inatsisatigut naleqqussaasoqarniarpa?

UKA 2026-mi suliarinninnissaq siunertarlugu inatsisatigut naleqqussaaneq pillugu suliaqarnissap aallartinneqarnissaa Naalakkersuisut pilersaarutigaat.

5. Inatsisatigut sukaterinissamik pilersaaruteqartoqarpa?

Apeqqu 4-mut akissut innersuussutigineqarpoq.

5a. Taamaassimappat suut sukaterniarneqarpat?



Apeqqut 4-mut akissut innersuussutigineqarpoq.

6. Naalakkersuisut allanik paasissutissaasinnaasunik peqarpat?

Naalakkersuisut suliaq pillugu sukumiinerusunik paasissutissaateqanngillat.

Inussiarnersumik inuulluaqqusillunga

Mads Pedersen